

КОМСОМОЛОНЬ ВАЙГЯЛЬ

Образцовайста ладямс комсомольский хозяйствать

Кочкуровань районнай комсомольский организацияса афирьдемшка кальдявста ладяфоль тевс комсомольский хозяйствать марта афвиномок сянь лангс, што комсомольский хозяйствать ладяманц колга ульсть кемя указания ВЛКСМ-нь ЦК-ть ширьде. Нльня ВЛКСМ-нь 10-це с'ездта меле ко-са Косарев ялгась эсь отчетнай докладсонза вешсь комсомольский организациянь руководителхненъ эзда инь куроконь пингста ладямс тевть комсомольский хозяйствать колга, Кочкуровань районнай комсомольский организацияса лифтьф пняк лама безобразияда.

Кепедьксонди: „17 партс'езд“ колхозонь первичнай организациянь комсомолецти Н. Т. Суняй кинтти ульсь максф комсомольский билет, конань эса ашель ВЛКСМ-нь райкомть секретаренц подписец, апаз азтоль кодама организация максоза билетть, ашель Суняй-кинть личнай подписец.

Тяка жа комсомольский организацияса максфоль комсомольский билет комсомолецти Кипайкин ялгати, конань эса ашель печать ВЛКСМ-нь райкомонь секретарть подписени вастс тись подпись первичнай организациянь комсоргс Пискаевсь и лама лия тяфтама фактта.

Варе азфта башка лифтьф стама фактт, мзярда комсомольский целай организациянь комсомолецненди (Пискаевский организациясь) максфольхть комсомольский билет местнай редакциянь производствать марта.

1936-це кизоня октябрь ковста райкомсь получась запрос Куйбышевонь горкомста, што кучемс тевс В. А. Борискинть личнай тевонц, конаньди максфоль комсомольский билет райкомонь управделть — Каукинть ширьдя. Личнай тевсь ашесь мув. Мзярда вагондфольхть райкомть решениянза, то лифтьфоль, што Борискинть комсомолу райкомсь эсь заседани асонза ашезе прима.

Сембенди варе азфти эрви нинга прибавамс сянь, што ульсь лама комсомольский личнай тевда конат безобразнайста оформленайхтелхгь. 18 учетнай карточкат, конат лувондовсь личнай тевкс, 36 личнай тевда, ВЛКСМ-нь райкомонь секретарть подписфтома,

27 личнай тефт ульсь печатьфте-мот и ст. тов.

Тяни сембе нят документтне оформленайхть, эрь комсомолецсь герьдфоль райкомонь бюроть заседанияс.

Тяни ВЛКСМ-нь райкомть марта тийф оцю работа комсомольский хозяйствать цебарьста ладяманц ланкса и васендакиге комсомольский билеттненъ максомань поряд-каса.

Билетть получамада меле, кона максеви лична комсомолу примафти, заполняется билетсь и учетнай карточкась райкомса, комсомолу примафть соньненъ присутствиянц пингста, и тязк жа райкомса азондови тя одс примаф комсомолецти организацияста тумать пингста учету араматы и учетста валгомать колга. Комсомольский билетонь максомань тяфтама порядкас макссь тейнекс возможность содамс эрь ломанть киньди максф комсомольский билетсь.

Тяни ни минь улихть лама комсомольский организацият, конат шарькодезь ВЛКСМ-нь ЦК-ть указаниязон и аф кальдявста ладязь комсомольский хозяйствать.

„Темпы“ колхозса комсомольский организациянь комсоргс Ани-симов ялгась комсомолу прима-та первичнай организациятть решениясонза сьормадкши нюркья ня характеристика комсомолу примафть колга цебарьста оформляються рекомендациятне и ст. тов.

Но тяка пингть эрви азомс, што кой-кона комсомольский первичнай организациятненъ эзга комсомольский хозяйствась ладяф нинге пняк кальдявста.

Кепедьксонди, Улесский первичнай комсомольский организациясь аф нолдамшка кальдявста оформляет пуромксонь протоколхненъ и лифтьф решениятненъ, нльне тяфтама оцю кизефкть колга, кода комсомолу примамасть. Вов решениясна:

„Кулцондф комсомолу прима-мать колга. Путозь: примама комсомолонь членкс“. А кинь примама комсомолу апаз аст и ст. тов.

Комсомолонь райкомсь кемота кярмодсь комсомольский хозяйствать образцовайста ладяманцты.

Тюрькин.

Колхознай сторожть Кирионовть героический поступкац

Слобдань района, Селища велеса кривязьсь колхознай сторожть Владимир Филиппович Кирионовть кудоц. А сонць Кирионовсь ашесь постсонза, ванць колхознай утомтненъ эса. Куду илядкшнесть сонь авац и иденза.

Кирионовсь цебарьста содазе, што палы сонь кудоци сембе сяка сон постонц ашезе кад, а нингя сяда зоркайста кармась ваном колхознай паршить эса.

Пожарда меле Кирионовть прове-

рязе правлениясь, сон сембе ашесь эсь постсонза сменац аделамс.

Кирионовсь работай колхозса сторожкс 1934 кизоста сявомок и сонь мельганза ашель фкявок замечание. Сон эсь сельменц лацаны колхознай паршить эса. Онъ правлениясь аф весть казендезе честнайста работаманкса.

МАССР-нь госстрахонь управлениась героический поступкац инкса Кирионовть казезе 300 цалко-вайса.

И. Щанкин.



Центральнай библиотекас Саранскяй райОНО-нь политпросветработникненъ совещаниясна, конац посвященный А. С. Пушкинонь куломда меле 100 кизонь то-подама юбилейти. Доклад тии библиотекак директороц ХОЛОПОВА ялгась. Фотось ПЕВЦОВТЬ.

ИСПАНИЯСА ФРОНТНЕНЬ ЭСА

Мекольдень шитненъ республиканский войска тне нингя сядонга пняк кемекстазь эсь позицияснон Мадридть ала. Кода пачфнихть куля Мадридста, тоса шувфт од окопт, тийфтдополнительнай баррикадат, аноклафт орудиянди площадкат и ладяфт прожекторхт. Моли аноклама наступлениянь ушedomс.

Мадридть ареляманц колга комитетть сообщениянц корис февральть 3-це шистонза мадридский фронтса крупнай операцият ашельхть. Мятажникиненъ артиллериясна ляценць Пуорото ди Иерро районть эса. Правительственной батареесь сатфкс марта бомбардировандазень мятежникиненъ.

Центральнай фронтса Гвадаррама секторса моли вишкста ляцендемз (кононада). Мятажникиненъ самолетсна бомбардировандаз Кастуэра секторса Гарнера велениять. Тя бомбардировка сьонедатийфт жертват гражданский насе-

лениять йоткса и материальной ущерб.

Астурийский фронтса республиканский артиллериясь ляценцьне мятежникиненъ укрепленной позицияснон, конат ащихть Овиедо ошть маласа. Республиканский артиллерият обстрелонц алу повсь мятежникиненъ отряд и боеприпасонь марта лама грузовикт. Грузовикне ульсь тапафт и шавфт лама солдатт.

Кода пачфни куля авиациянь и морской флотонь министерствась, кафта моторса самолетонь республиканский эскадрильясь бомбардировандазе Сан Фернанде пушечнай заводть и Бобадильста маши-накинъ станцият. Тапаф маши-накинъ депось. Омбоце эскадрильясь бомбардировандазе Гренада ошста аэродромть, тапазе Ангарть и Павильонть Сембе самолеттне благополучнайста мрдасть эсь базозост.

(ТАСС)

Митинг Валенсияса

Валенсияса (Испанияса) февральть 4-це шистонза йо афто оцю митинг, конань эса ульсь 250-шка тьожань ломань рабочайхть, перф пняльденъ велетненъ эзда крестьянт и народнай милициянь дружиникт. Митингть президиумсонза — испаниянь коммунистический партият секретарец Хозе Диасс, французский компартият секретарец Торезсь, кона сась Испанияв и лият. Франциянь трудяень мас сатненъ и французский народнай фронтъ лемста Торезсь азонды приветствия испаниянь народти и сонь вождензонды. Торезсь азозе: „штоба арелямс свободать, эрви рабочайхненъ и крестьянтненъ, коммунисттненъ, социалисттненъ и анархисттненъ единствасна. Исяк мон азондонъ приветствия тинь каталонский братьянтненди. Синь ни сатсь единства коммунистический и социалистический партиятненъ йоткса, а тя пняк оцю политический фактор тинь страна-сонг“.

Митингу пуромфненъ марта виш-

ке аплодисментса васьфтьф испаниянь коммунистический партият генеральной секретарец Хозе Диасс эсь выступлениясонза азозе:

„Эрви куроконя выиграть войнать. Тянка эрви взаимнай шарькодема политический партиятненъ и профсоюзнай организацияненъ йоткса. Эрви макссемс Ларго Кабальероть правительстванцы полнай доверия. Кие аф моли народнай фронтъ марта, ся видеста и косвеннайста лезды врагти. Войнань кота кофне тонафтомазь минь сяда ламос, чем несколько кизот политический тюремась.

Эрви путомс испанский правительствать кядь алу сембе промышленности лангса руководствать, ладямс строгай государственнай контроль предприятиятненъ лангса. Кепедьксонди, орудиясь, кона тиендеви Каталонияса, улеза кучсеф тоза, коза испаниянь правительствась лувсь эрвиксонди сонь кучемс“.

(ТАСС)

А. С. ПУШКИН ВЕЛИКАИ ГУМАНИСТ

А. С. Пушкин питни тейнек, ко- да великай гуманист. Гуманизмась поэты творчеством сонза таргавсь якстерь сюрекс. Пушкин эсь клас- сонц коряс кассь ламода сядя вя- ри, сон лац содалезе эсь эряма пингень передовой западно-евро- пейский культурат. Пушкин шар- кедезень, катк аф педа-пес катк аф последовательна, дворянский обществат калдыа, лима-сюна ширензон. Сяс эсь творчеством сон мушендсь гуманный чувст- ват аф „высшай“ общества, а простой народть йоткса.

„Цыганы“ поэмаса главнай ге- ройсь Алеко шарькедесе эсь клас- сонц убогай духовнай шинц и ворь годсь свободань вешема. Велико- светский обществати Алеко мак- сси тяфтама характеристика:

„Там люди в кучах, за оградой
Не дышат утренней прохладой,
Ни вешним запахом лугов;
Любви стыдятся, мысли гонят,
Торгуют волею своей,
Главы пред идолами клонят
И просят денег да цепей“.

Алеко ворьгодсь эсь общест- вонца, штоба аф торговамсь эсь волянь марта, штоба аф сюконя- шнемс высокопоставленной ломань- теньди. Сон смелайста судендазе эсь обществанц. Но тяка пингть Пушкин няфнесь, што Алеко аф эряви свободнайста, сяс мес сон заразиндаф эсь обществань тради- циятень марта. Алеко эгоист, эсь прянь кельги, сон пичеди анычек эсь инксонза, вешни свобода аны- цек эсьтейнза. Тя лац няфтьф сян вельде, што мзярда Земфирась ка- дозе Алеко и кармась кельгема цыган, Алеко шавозе и Земфират

и цыганть. И Пушкин оцю худо- жественнай мастерства марта су- дендазе Алеко образонц цыган- атыть вельде.

„Ты не рожден для дикой доли,
Ты для себя лишь хочешь воли;
Ужасен нам твой будет глас:
Мы робки и добры душою,
Ты зол и смел: — оставь же нас, —
Прости! да будет мир с тобою“.

Пушкин ашезь му гуманный чувстват дворянствань представи- тельть эзда. Свободань кельгикс, и аф эсьтейст анычек, а сембе ло- маньтеньди, гуманный ломанькс поэты няфтезе простой народть, цыгантень, конатень ся пингть эсь лувонда ломанькска.

Тяфта жа ащи тевсь и „Дубров- ский“ повестьса. Мзярда кривясть- фоль помощиконь кудсь, кузнець Архип пикстазе кенкшть замокса, штоба кривястьф кудста афольхть лисев приставсь и лия чиновникне, конат састь Троекуровть эзда Ду- бровскийть именинц примама. Тя поступкась бта макссесь повод Пушкинтти судендамс Архипть, няфтемс сонь бесчеловечнай шинц. Но великай поэты тись лиякс. Эста кода кудть потмоса самай палсть оцзоронь опричникне, кузнець Архип, эсь прянь апак ужальдть, куць вию толса ашкотф лата пряс и валхтозе тос- та катот. Тя картинкат вельде Пушкин няфтезе, што простой на- родсь гуманный, ляпе, ужальди седи марта. Но сонь кияняфтозе гнетсь, лангсонза рахсемась—нару- гамась помещикнень и оцзоронь чиновникнень ширьде

„Капитанская дочка“ повестьса Пушкин фкя ширеста, критикован-

дазень высокопоставленной на- чальникнень, конат васькафникхть и зверкс муцяхть простой на- родть, а омбоце ширеста, няфтьсь человеческий чувстват Пучевонь образонц эса, конань официаль- ный властьсь лувондозе архизло- дейкс.

А „Скупой рыцарь“ драматиче- ский произведенийсонза Пушкин лифтьсь сценати высшай аристок- ратиянь представитель, кона ярма- кнень инкса юмафтозе ломанень образонца. Скупой рыцарьсь ши- нек-венек думандай анычек золо- тань добувамат колга. Золотать инкса сон кадозе обществат, сонь шямонияф седиец тани кенерькш- ни анычек арьзява мараф золотать лангс ванондомста, сонь тани аш кодамовок гуманный чувстванза.

А кода сатф тя золотась? Пуш- кин „Скупой рыцарь“ эсь валонзон вельде няфтьсь страшной правди- вай картина зверский эксплуатаци- ять колга:

„Да! если бы все слезы, кровь
и пот,
Пролитые за все, что сдес
хранится,
Из недр земных все выступили
вдруг,
То был бы вновь потоп — я
захлебнулся б
В моих подвалах верных. Но
пора.“

„Низшай“ сословиять—народть гуманизманц великай поэты ара- фтезе каршек „высшай“ сослови- ять—дворянстват эгоизманцы и сембе лия лима-сюна ширензонды

Патапкин.

ШКОЛАТНЕ ПУШКИНСКАЯ ШИТНЕНЬДИ

Сире Шайгавонь районца Териз- морга велень аф полнай средний школань коллективсь пушкинский шитненьди анокламань шовор одю работа йотафни литкружоксонды од членонь сувафтомат и, синь работасон цебарьгофтоманц инк- са. Тячиень шити кружоксост ащиць 25 ломаньт. Нат ломаньт- не аноклахть пушкинский шит- неньди художественнай выступле- ният, декламацият, инсценировкат „Послание в Сибирь“, „Утоплен- ник“, „Цыганы“ и лия произведе- ниятнень коряс.

Школаса йотафневихть Пушк- инонь творчеством колга докладт, лекцият, беседат.

Каргин.
Кадеров.

Саранскяень вель. хоз. комму- нистический школаса литературань и кялень кафедрась студенческий активть марта йотафнихть оцю аноклама работа пушкинский шит- неньди.

Пушкинонь творчеством колга школаса йотафтьф ни 4 лекцият, беседат и аноклахить йотафтомс нинге од лекцият.

Тяда башка пуроптф выставка, кося няфневихть Пушкинонь ос- новной произведенийсонза и сонь колганза критикнень высказывани- ясна.

Шавензов.

Пушкин — кельгема поэтозе

Пушкинонь мон кельгиня сонь произведенийсон эзда васеньцеда лувомаш ушедомстонкия.

Сонь сьормадфонзон эзда мон лувонь: „Утопленник“, „Руслан и Людмила“, „Борис Году- нов“, „Дубровский“, „Капи- танская дочка“ и стак тов. Эрь произведений лувомода меле Пушкинць тейне кельгондесь коль сядя пяк и пяк. Сонь сьормадфон- за пяк тьождат лувомс и аф ста- кат шарькодемска.

Каникулнень йотафцаинень эсь велесонок. Тя пинкти мон путонь эсь инголен задача лувомс нинге „Евгений Онегин“ и поэты творчеством колга критический литература, а тяда меле ни кол- хознай од ломаньтнень йоткса моннь карман йотафнема беседат.

Мон пяк келькса Александр Сер- геевичть нинге сяс, што сон, кода содазе, кода талантливайста азо- зе эсь колганза, што... „Слух обо м- не пойдет по всей Руси“...

Видец Александр Сергеевичть. Сонь соласазь минь странасонк сембе ичкодзень уженятнень эсон- га. Тясовок гайняхть сонь валон- за. А тя сембе сяс, што странасо- нок руководителсь коммунистиче- ский партиясь и народонь вождсь Сталин ялгась.

А. Белов.

Саранск, фельдшерско-акушерский школа.

Концерт колхозса

Темникав. Январьть васенце пя- лестонза „Батрак“ колхозса, Войков ялгать управлениянц вель- де, йотась народнай инструментонь оркестрань выступления.

Оркестрась морась революцион- ный и народнай морот. Колхозник- не анычек васенцеда кулезь Мо- царть „Турецкий марш“ музы- канц.

Ив. Васькин.

АНОКЛАХТЬ ПУШКИНТЬ ЮБИЛЕЕНЦТЫ

Саранский ошень пионерхне и сембе тонафни од ломаньтне, кода и сембе Советский странанькенъ трудянза йотафнихть оцю анокла- ма работа синь кельгови русский великай поэтсон трагический ку- лома шинц 100-це юбилеенцы.

Саранскяень ВЛКСМ-нь горкомть пионер отделонц марта ошень сембе пионер организациятненьди эсь пингстонза ульсть максф эря- виск указанийт сян инкса, кода сядя лацкас йотафтомс Александр Сергеевичть кулома шинь юби- леенц.

Тянка пионер отделть работни- конза синьць ульсть сембе пионер организациятнень эса, кося отря- донь сборхнень йотафтомс меле вастова максфтольхть эрявикс ука- заният и эсь пингстост петьфть- лыхть анокламаса уликс афсатык- сие.

1-це № школаса, кося старшай вожатайсь Филиппова ялгась ком- сомолонь горкомть кеме указани- янзон цебарьста эряфс йотафне- масон вельде пионерхнень марта йотафць оцю работа пушкинский шитненьди анокламат инкса и тя- ка пингть Пушкинонь творчест- ванц сядя цебарьста тонацнеманц инкса.

Тя школаса поэты юбилеен- цы анокламась ушедфнинге ян- варь ковть васенце шинзон эзда кивок.

Сембе аноклама работаса прак- тический мероприяйтне йотаф- невь марстонь коллективда баш- ка 4 пионеротрядга, конава явф сембе пионерорганизациясь.

Январь ковть омбоце половина- стонза ульсь нолдаф обще-школь- ный юбилейнай номер стенань га- зета, кося сьормадфтольхть орга- низациять марта йотафтьф меро-

приятиятне, юбилейнай вечеронь планц и ст. тов.

Тяфта обще-школьной и отряд- ный стенгазетаинень вельде, пио- нерорганизациясь йотафць анокла- ма работа 30-це январьста школаса йотафтьф юбилейнай васеньце ве- черти.

Тя вечера ульсь кулцондф школань директорть Пушкинонь колга докладоц, конада меле ульсь йотафтьф пушкинский стихотво- рениянь лувомат и инсценировкат „Цыганы“, „Борис Годунов“ и лия произведенийтнень коряс.

Инсценировкаса сембе налкхне и стихотворениянь лувихне ульсь наряжафт стама костюмса, кода- мот каннесть поэты эпоханц пинг- ста эряй ломаньтне.

Вов ученицась Ритта Козловась пяк цебарьста налкхозе „Евгений Онегин“ произведенийста инсцени- ровкаса Татьянань роленц. Тянка Риттат казезь Пушкинонь бю- стонц марта.

Тя вечера тяфтажа пяк цебарь- ста налкхозе старшай группань ученикне „Цыганы“ произведений- ста инсценировкат. Сембе синь наряжафтольхть цыганонь костюм- са, вечера кулцондыхненьди синь макссь пяк цебарь и полнай кар- тина цыгантнень ся пингонь эряф- сгон эзда.

Вечерса цебарьста налкманкса казфть 15 ученик. Сембе ня ме- ропрятнятне пяк лездсть ученик- нень марта Пушкинонь творчест- ванц нинге сядонга пяк кельго- манцы. Тяфтама работада меле Пушкинонь произведенийсонза шко- лань библиотекас исть карма аще- кшнема свободнайста фкявок ши. Пяк оцюста кассь лувихнень пот-

ребностьсна поэты произведения- зонды.

Тяфтажа цебарьста моли анок- ламась пушкинский шитненьди 6-це № школаса, кося пионер отрядтне тийсть пушкинский произведенийт- нень геройсон эзда альбомт, но- лийхть стенань газетат, конат эряхть пашксет анычек юбилей- ный материалда. Тя школаса ульсь ни кулцондф 3 докладт Пушк- инонь творчеством колга, йотафтьф литературнай вечерхт и стак. тов.

12-це № школаса пуроптф пуш- кинский выставка. Пионер органи- зацияса йотафтьф отрядонь сборхт специально поэты юбилеенцы анокламат колга.

Тяконь шовор эряви азомс, што комсомолонь горкомсь пионер от- делда башка комсомольский орга- низациятнень марта аф вяти анок- лама работа поэты юбилеенцы.

Кизефксозти:—кода моли анок- лама работась пушкинский юби- лейти ошень первичнай организа- циява школада башка?—Горкомть бюронь членонза Дьяковсь и Лок- таев ялгатне отвечась проста и яснайста, што „аф содасась“.

Тяфтама политически важнай со- бытият, кода Пушкинтть траги- ческийста куломанцы, комсомолти конешна аш кода аф анокламс, да нинге сядя меле, мзярда ВЛКСМ-нь ЦК-ть секретарец Косарев ялгась сьормачнесь ни тьянь колга и мак- сесь эрявикс указанийт, и комсомо- лонь первичнай организациява, ко- нешна, моли тьянь инкса оцю рабо- та, анычек сонь колганза аф содай комсомолонь горкомсь.

ЖУВАТАНЬ ВОДЯЙ СТАХАНОВЕЦЕНЬ РЕСПУБЛИКАНСКИЙ СОВЕЩАНИЯСЬ

Касфтсаськ Мордовияса жуватань стадаты

Февральть васеньце шистонза Саранскийса панжевсь жуватань водяй стахановецень республиканский совещаниясь. Илять 6 частса нюркяня вступительнай валонц азондомода меле, Земледелиянь Наркомсь Еремеев ялгась панжезья совещаниять.

Совещаниясь кучсь приветственной сьорма народонь великай всждти, сембе масторонь пролетариатть учителенцы, кельгема Сталин ялгати.

Эсь сьормасост стахановецне надияфнесазь Сталин ялгать „апак лотксек мольфтемс жуватань водямать“ и колхозса стахановский работать марта курокона сатомс зажиточнай эряфть.

Васеньце шинь заседаниясь аделавсь Вершинини и Чукланов ялгатьнень корхнемаснон марта.

Февральть омбоце шистонза шовдавань совещанияса корхнесть 12 стахановецт, конатнень йоткса ульсть сире, оцю сакал атят, конат марнек эряфснон йотафнезь жуватань перьф яказь и од ломаньт, конат аф кунара сувасть сознательнай гражданский эрфти сембе синь эсь коротамаснон эса азондозь Мокшэрзянь республикань народти эсь достиженияснон жуватань аннема и касфтома тевса.

Ламоц кортайхнень эзда ламоксть фкя лаца азончезь Сталин ялгать лозунгонц: „жувата водяма тевть эряви сьавомс эсь кядезост сембе партияти, сембе работникненьди, партийнайхненди и аф партийнайхненди“.

Пяк оцю миль и интерес марта кулцондозь совещаниянь делегатне „Пятилетка“ колхозть свинаренц Аникин ялгать (Саранский район).

— Минь тувонь ферманька пурптовь 1931 кизоня кафта кота ковань пурькакта, — азонцы Аникин ялгась. — Монь путомазь фермат заведующайкс. 1935 це кизоня фермась получасть средняяста 19 пурит эрь свиноматкаста. 4 свиноматкатыне макссть 77 пурцт, конатнень сембень касфтоськ.

— 1936-це кизоня эрь свиноматка эзда получае 22 пурхит. 9 свиноматкатынень эзда касфтома 190 пурцт.

— 1937 це кизоня, — кортай сяда тов Аникин ялгась, — макссян вал сьавомс эрь свиноматкаста 25 пурцт и сембень касфтомс.

Ценнай предложения тись стахановецсь Мангутов ялгась: „Нариман“ колхозонь (Лямбирский район) ветеринарнай фельдшерсь. — Ветврачненьди, фельдшерхненди, ранитархненди, — кортай Мангутов ялгась, — эряви сяда кржа ащекшнемс колхозонь правленияса, кабинца, а сяда сиденяста эряви варжакнемс жуватань ферматненьди, бригадатненьди и сяда кемоста лездомс стахановецнень работаснонды.

Горьканов.

Жуватань водяень республиканский совещаниясь аделазе эсь работанц

Февральть 3 шистонза МАССР-нь Совнаркомть председателенц Козиков ялгать выступления меле жуватань водяй передовиконь республиканский омбоце совещаниясь аделазе эсь работанц. Совещаниясь



СНИМКАСА: Жуватань водяй стахановецонь республиканский совещаниясь делегаткатыне перерывонь пингста (көжи ширьде види шири): А. Пийкина, Д. Ф. Кадедова, Е. П. Макарова и А. А. Петрова ялгати.

М. М. ПУШКИНА ЯЛГАТЬ РЕЧЕНЦ ЭЗДА

1934-це кизоня мон работань колхозса дояркакс. Колхозникне няезь, што мон работань пях седи вакса и омбоце кизоня путомазь телятницакс. Мон нийса, што теень колхозникне макссть пях ответственнай тев и кармань сембе мялезень путнема, штоба лацкас вятемс максф работать.

1934—1935-це кизоня мон касфтонь 92 вазнят. Сембевазнятнень эзда монь ашезь урад фкявок.

Колхозникне васенда дивандасть монь лангозон. Сембе кизефнесть, мес тядде кизонь перьф фкявок вазня изь урад, а йотай кизоть паледа ламосна урачнесть? Тяс аш мезе дивандакшнемс, кортан мон, жуватать мельга цебарьста якамась лама значит. Жуватась эряви кельгемс, кельгезь якама сонь мельганза и кельгезь касфтома.

Цебарь работазень инкса мон улень кучф 1935-це кизоня жува-таводяень Сембесоюзонь совещанияв, коса мон улень казф „Знак почета“ ордена.

Сембесоюзонь совещанияса мон сьавонь пях оцю опыт лия стахановецнень эзда. Мзырда сань куду,

ванца 8 вазнят сярдихть, осалхт, афи якавихть. Мон кармань нят сярди вазнятненьди макссема пакарь почфкат и пур почфкат.

Колхозникне васенда исть веронда, што пакарь почфсь и пурь пчкафцыня сярди вазнятнень. Пакарь почфкат макссень лофца марта, фкя куцю шовдава и фкя— илять. Пур почфнень эзда макссень 100 грамм шовдава и 100— илять начффт пинем почф йоткова.

Пушкина ялгась азончнесы, кода якась Советонь Чрезвычайнай кафксоце с'езду делегатокс и кода сон Сталин ялгать и партиянь и советский власьтень лия руководительхнень марта примосезь од Конституция.

— Ялгат кия содседе, што тяфтама весила эряф сай беднай ломаньтненьди. Революцияда инголетяшка оцю тевонь тиема ашезь новля аватнень, а тия ингольдень постуфнень стирьсна и цьорасна шарфнихть государственнай тефнень эса.

Революцияда инголе аватнень мезькска ашезь лувонда. Аватненьди мярьгоньдельхть: „Саразь аф нармонь, авась аф ломань“, а тия аватне, стирьхне стама жаравноправнай ломаньт, кода и алятьне.

Тия мон кчкафан МАССР-нь ЦИК-ти членкс.

Арьсян, ялгат, што 3-це республиканский совещанияти самс улян аф скаямон орденонь канни, а лисихть кеменьт и сядот орденонсест.

П. Г.

РОБОТАЙХТЬ ЛАФЧСТА

Саранскяень Мокшэрзянь педтехникумонь студентнень йоткса масово-воспитательнай работась ладяф кальдядонга-кальдывста.

Сталин ялгать Советонь Сембесоюзонь Чрезвычайнай 8-це С'ездса докладонц и Сталинский Конституциять тоначемаснон инкса работать, кода эряви изезь пуропта, Синь тонадомаснон лоткафтозьянцек пуромксса лувомаснон марта.

Аф ваномок сян лангс, што ня исторический документнень тоначемаснон инкса улихть специальнай указанийт партийнай организациятнень эзда, сембе сяка техникумонь комсомольский организациясь и дирекциясь изь шарькоде ня указанийтнень эряфс йотафтомаснон значениянц, тянка аф студентнень аф педколлективть эзда апак пуроптт специальнай кружокт, коса ба йотафневольня документнень тонафнемаснон инкса работась.

Аф ваномок, што коллективса улихть аноклаф ломаньт и студентнень ули оцю мялсна кулценчнемс лекцият литературань и текущай политикань темань коряс, тяфтама работавок техникумса аф йотафневи.

Киза кувалмоть йотсемок тонафнихненди апак путоль фкявок лекция аф Испаниянь событиятнень, аф троцкистский бандасть колга. Тянка студентнень политический уровеньна пях йомла. Синь эздост аш фкявок стама ломань, кона ба получаль эсь лемозонза кодамовок газета.

Тонафнемасовок студентнень улихть оцю афсатыкссна. Техникумса нинге сембе дисциплинань отметкатнень эзда 7 процентсь кальдав и пях кальдав отметкат. Тяфтама афсатыксть машфтоманц инкса дирекциясь кодамовок работа аф йотафни. Тянка эрявольба йотафнемс дополнительнай занятият и консультацият, но техникумса синь, тонафнема процессти апак сувафтт.

Техникумса цебарьста тонафнихнень опытна аф дирекциять, аф общественной организациятне марта лия тонафнихненди аф нафневихть.

Сянь вастс, штоба социалистический соревнованиять ладьяманц релде лездомс студентнень тонафнемаснонды, тьса социалистический соревнованиять сидеста опошьяндакшне азь. Ульсть казфт ярмакса цебарьста работай студентт 3 це и 2-це курсста, но казнетнень синь нинге тячиень шити изь получа.

Дирекциять марта профкомти нолдафоль 500 цалковой ярмакт, ня ярмакнень ударникненьди максомаснон вастс профкомонь председателсь Матвеевсь йотафтозень эсь нужданзонды.

Студентнень дисциплинасна кальдав. Каникулста самодост меле тонафнемань васенце 5-те шитнень эзда студентнень марта тиф 64 частт прогул. И тя аф случайнай явлениясь. Тяфтама прогулхне тиендевьт инголивов и аньцек сяс, што ашель студентнень йоткса кодамовок воспитательнай работа, конань ладьяманц инкса тияннге дирекциясь мезевож аф тиенди.

Васькин.

Вештяма лезкс райкомть эзда

Рыбкинань районца Мамолаева велесь лувондови инь оцю мокшенень велекс. Тя велеса пяк лама од ломаньда. Аф шуроста ули кода кулемс од ломаньтнень ширьдя тяттама корхнемат, што „вельсо ветсь и колхозонь правлениясь йофсикс аф заботендайхть синь инкса, штоба строямс цебарь клуб и избачитальня. Сяс, мес илять, работада меле свободнай пингста аш коса йотафтомс ваймама пингть, постановкат и кино картинат аф няфнихть“ и ст. тов.

Виде, эряви азомс, што и комсомольский организационневок калдывста работайхть афсоюзной од ломаньтнень марта. Авдь Мамолаеваса кафта комсомольский комитетт: средняй школаса и колхозса. Комсомольский организационне ашезь путне кода эряви кизефксть вельсоветонь президиумть и колхознай правленияй инголя сян инкса, штоба строямс клуб и изба читальня и сатомс инвентарь (военнай кружокти, струнной музыкальной инструмент и ст. тов).

А комсомолонь райкомсь Мамолаевань комсомольский организационневы эрявикс лезкс аф максси. Аф содасына комсомолецнень и афсоюзной од ломаньтнень вешфксон. Комсомолецне кепсикхть, ушедкшихть лама оцю эрявикс кизефкста, но сяс, мес теест тя тевса эрявикс лезкс аф макссеви, нят сембе ушедксне лядкшихть апак пашкодть.

Штоба тя афоль ульшава валкс, саяван кепедьксоньди Мамолаевань комсомолецнень предложениясон, конат максфтольхть комсомольский пуромксса и проста беседа пингста 1937 кизонь январь ковста и тяда инголе.

П. Савин ялгась кортай, што „эряви вешемс вельсоветть эзда, штоба строямс цебарь клуб. Вдь тейнек од ломаньтненьди йофсикс аш коса йотафнемс ваймама пингсь. Мон монць келькса морамать, содан лама советский цебарь морот, ильня сяволине лангзон организовандамс хоровой кружокть (мон ни корхнень, желающаида сувамс хор кружоку од ломаньтнень эзда пяк лама), но аш помещение.“

Ф. Велькинць кортай, што „минь Мамолаева велеса лама культурнай вийда, а постановкат тиеньдевице аныцк фкя праздникста омбоце праздникть самс. Тя лисеньди сян сюнеда, што аш коса тиеньдемс постановкат. Колхозонь правленияй уель кода рамамс радио установка, но тячиень шить самс сон аш. И тятта жа эряви рамамс струнной инструмент: гитара, болаайкат, и ст. тов.

Кечинась кортай, што „лама стирьнятнень оцю мялсна кулцелкшемс газетань, журналонь кайгиста морafenмат, оцю интерес од ломаньтнень йоткса няендеви „Кода календавсь стальсь“ Н. Островский и „Кепедьф целинать“ Шолоховть произведениясонды, но теест кивок ня произведениятнень аф морafenсьне.“

Сон жа лифнесь предложения и афвесь корхнесь колхозонь правленияй, штоба рамалхть швейнай машина, тянь станяжа ашезь тий. А улихть лама стирьнят, конатнень оцю мялсна тонадомс швейнай машинаса работама.

Качкалкинась картай, што „монь оцю мялезе максомс ГТО-нь норматнень и лама лия стирьнят тья колга, теень тожа корхнесь.“

Милушкинась кортай, што „ламоксть корхнесь колхозонь правленияй, штоба рамалхть ОСО-нь кружокти оборудования (учебнай винтовка, противогаз и ст. тов),

но тя пингс мезевок аш. Улихть лама стирьнят, конатнень мялсна арамс трактористкакс, но синь пяк йомла содама шисна, вдь афграмотнайста трактористкакс аф улят. А минь эсонок кивок аф тонафни“.

А вдь няре азфть лаца предложени-яда, кортамада, Мамолаевань комсомолецнень и афсоюзной од ломаньтнень ширьде уель кода няфтемс нинге лама. Но синь эздост ламось—лядкшихть тя пингть—самс апак пашкодть.

А комитетонь секретарьхне, и васендакиге комсомолонь райкомсь, комсомолецнень и афсоюзной од ломаньтнень вешфксон аф содасын. Нят предложениятнень эзда ламось йотасть синь вакскаст и лядсть апак приметак. Эряви улемс чуткайкс эрь комсомолецть и афсоюзной одломанть вешфксонцы. Эряви лездомс комсомольский организационневы тя васендакиге вешевы райкомть и комитетнень эзда.

Е. Ф.

1937 КИЗОНЯ ВУЗ-ТНЕНЬДИ ПРИМАМАНЬ ПРАВИЛАТНЕ

СССР-нь Совнаркомть эса высшай школань тейнень колга Все-союзной комитетть председателец И. И. Межлаук ялгась 1937 кизонь высшай учебнай заведение-нятненьди примамать колга.

Высшай учебнай заведение-нятненьди примосевихть сембе граждан-не аляти и авати 17 кизонь возрастста сявомок 35 кизонь возрастста модемс, конатнень ули закон-ченая средняя образованиясна али кда получасть средняя школать аделаманц колга аттестат экстер-натонь коряс.

Производства тузь тонафнема вузтненьди приемнай испытаниас производственной стажфтома но-лявихть сят, конат аделасть тех-никумт (кда кармай улема специ-альной разрешенияз наркоматъ али ведомствать, конань кядь ала ащи техникумсь); ломаньтне, конатнень аш законченая высшай образова-ниясна приемнай испытаниатненьди нолявихть общей основанияса.

Сят ломаньтне, конат аделасть средняя школа и основной пред-меттнень коряс отметкасна „от-личнайхть“, а иляды предметтнень коряс (рисованить, черчения, пе-ния, музыка, физкультура) отметкасна аф „хорошо“—да калды-фт, высшай учебнай заведение-нятненьди примосевихть испытанифтома. Тя правась распространяндакшневи нятненьди, конат отлично аде-лазть средняя школать экстернатса.

Высшай учебнай заведение-нятнень сембе поступающаихне аныцк сядь башка, конат аделасть средней школа основной предметтнень ко-ряс „отлично“ отметка марта (и ня ломаньда башка, конатнень улихть законченая высшай образо-ваниясна) кирнихть приемнай ис-пытанияз рузонь кяльть и ся кяльть коряс, конань эса вузса мольтеви преподаваниясь полит-грамотать, математикать, физикать, химиять коряс и фкя иностраннай кялень коряс (кодма йорай сонь поступающаихсь). Велень хозяйст-вань и экономический высшай учеб-най заведение-нятненьди и факультет-тненьди поступающаихне кирнихть дополнительнай испытанияз гео-графиять коряс. Исторический, фи-лологический, литературнай, юри-дический и географический выс-шай учебнай заведение-нятненьди и

Подросткань школась работаза нормальной школак

Темниковань районца сьормас афсодай и сьормас кржа содай подросткада 905 ломаньт, лиякс азомс нят ломаньтне исть получа-начальной образование и синь то-нафнемаснон инкса Темниковань районца нингя сьоксенда ушед-фоль работась.

Подросткань школатнень колга правительствать решениянц паш-кодеманд инкса, районца учебнай кизотъ ушedomок ульсь намечен-найхть школат, кочкафоль препода-вательский состав, но тьяконь лангс лоткамать сюнеда раобтась лама школава вастсонза йофси изь тутмадев.

Кда ВКП(б) нь ЦК-ть и СНК-ть решениясост азондови, што под-росткань школатнень марта дол-жетт занимадондамс комсомоль-ский организационне, промкоопера-

циятне и велень ошень советтне, а организационнай и методический руководствась должна улемс Рай-онотъ кядьса.

Но Темниковань районца тевсь ащи йофси лиякс. Тяс подрост-кань школатнень марта сембе ра-ботать кадозь Районотъ ведениясь, кивок районнай организационневы эзда тя политически важнай тевть марта аф занимадакшни, Райо-нось эсь аф поворотливый пинг эзда изь машта школатнень руко-водстванц марта фатямост стая, штоба синь работазевольхть кода настоящай, нормальной школат.

Тятта тевть ащеманц сюнеда районца 23 школатнень эзда, ко-натнень марта фатяфт сембе под-росткатне работайда аныцк ке-моньшка школа. Районось жа шко-латнень работаснон аф содасы, аш кодамавок контроль Ронотъ ширь-дя школатнень работаснон мель-га, а тьян инкса и сонь сведения-нзон коряс аф работай школада бта аныцк кафта—Барашеваса и Стрельниковаса. Кодя цебарь шко-ла, Районотъ марта лувондови Под-горно Конаковань подросткань шко-лась, кона велеса сьормас аф содай подросткада 24 ломаньт. Нят долже-ттольхть якамс специально синь инксост пуроптф школати и колма кизонь кувалмоста аделамс началь-най школань программать. Тя ве-лесовок Районотъ марта васень ушedomок тевсь ульсь ладяф тиф-та, но сядя меле, мзярда школать пуротомода меле теенза ашель кодамовок указанияз, то учитель-ня Асташкинть марта Абановсь сязовь и подросткатнень шовор-дазь ликпункту якяхнень марта, конатнень йоткса тьян улихть ло-маньт, конат аделазь начальнай школань 2-це группать, а улихть и стамот, конат алфавитста со-дайхть аныцк кафта колма буква и тьякса ликпункту якяхть аны-цк зарничендама, пеечнема и мор-сема.

А Районось вдь тя школать шназя, кода примернаень, а сон йофси аф-ка работась.

Тяттажа аф работайхть подро-сткань школатне Игьяковаса, Аксе-лса, Стрельниковаса и ст. тов, но аф аныцк Барашеваса, кода азон-дозе Районотъ заведующаец Де-дюковсь.

Районца улихть и лац работай школат, кода велень руководи-тельхне изь ученда мзярда теест лезды Районось, хоть топорнай-ста, кода корхнихть, но школат-нень работаснон ладязь. Тяттама велекс арси Од Кярьгсь, кося, тя-тевь сязове эсь лангзонза ком-сомольский организационсь и 42 подросткась тонафнихть школаса цебарьста.

Школасна работай ши йотазь, занимадайхть колмонь частт ши-ти. Сембе слушательснон улихть книгаса, тетрадьсна и стак тов. Посещаемость школасост 90 про-цента алу изь прашенда сьоксен-давок, мзярда ульсь работама пин-ги.

Тятта цебарьста работай шко-латнень йоткс сувсикхть нингя Ша-лань школась, Бабееваньсь и ст. тов, но синь афсодасына Районось,

В.

Политобразованиянь курст

Тавла велень первичнай пар-торганизациясь пуроптсь каф-та ковань пингс политобро-ваниянь курст. Ня курсеньди фатяфт 54 партиецт и 37 ком-сомолецт.

Платонов.

Кочкуровань р-н.

Отв. редакторть полафтыец И. КАЗАРИН.

Уполномоч. главлито №Д—14. Заказ №338. Тираж 2545.

Саранск типография „Красный Октябрь“ Мордгиза